

五年

加授永掌道教事詔

奉

天承運

皇帝制曰朕惟道家者流本於清靜無為其來尚矣龍虎山張氏自漢以下宗派相繼其四十二代孫正常存心冲澹葆德純和遠紹宗傳以守正一朕用嘉之是宜錫以真人之號爾其益振玄風永掌其教焉可授正一嗣教護國闡祖通誠崇道弘德大真人掌天下道教事宜令張正常准此

制詔

道藏輯要

漢天師世家

七

翼集七

又上二

洪武五年十二月 日

之 寶

九年

上遣使召忽先期入

見

上喜曰卿來何與朕意相符明年秋朕將遣使祠海嶽諸神卿

當妙東清修之士與其偕來

賜宴及金紋法衣玉圭珮法器之屬

十年

命率弟子至京

上召見

錫宴午門之城樓

上舉爵謂曰卿宜罄此一觴

勅內侍官出

御製歷代天師贊示曰他日當書以賜卿明日

詔偕太師韓國公李善長代祠嵩山分遣大臣

與弟子代祠羣望仍

賜衣二襲及楮幣有差既還復

命錫宴賞如初

遣祠嵩山勅

道藏輯要

漢天師世家

六

翼集七

勅正一嗣教大真人張正常

朕聞天生民而立君君爲民而立命所以謹百神之祀乃國
之先務也朕與卿等當羣雄角逐之時戰勝功取非

上天

后土之眷命嶽鎮海瀆之效靈安能如是今者新秋在邇嶽鎮
海瀆之祀禮當報謝古者君狩方隅詣祠而祭朕爲新造邦
基民生方始未獲親往特命卿等代朕以行奉犧牲祝帛於
神所故茲勅諭汝往欽哉

勅命

洪武十年六月 日